



Inatsisartunut ilaasortaq Ane Hansen
/MAANI

Neqi A/S pillugu § 36, imm. 1 malillugu Naalakkersuisunut apeqqtinut akissut

Neqi A/S pillugu apeqqtinnut 16. maj 2008-meersunut qujanaq. Apeqqtit Naalakkersuisoqarfimmit akisassanngorlugit nassiuteqqinneqarput. Matumuuna Naalakkersuisut sinnerlugit apeqqtitit akissavakka.

Apeqqut 1

Naalakkersuisut Narsami Neqi A/S-ip savananik toqoraaviup matunissaanik siorasaarutit qanoq iliuseqarfiginiarpaat?

Naalakkersuisut arlaleriarlutik Neqi A/S-ip Narsami toqoraavia pillugu isummernissamat tungavissiat akuerisarnikuuat, taakkunanilu kingulleq Aningaasaqarnermut Ataatsimiititaliamut ingerlavoq. Naalakkersuisut Aningaasaqarnermut Ataatsimiititaliamut inassuteqatigaat Neqi A/S-imut immikkut aningaasaliinissamik qinnuteqaat 4 mio.kr-iusoq akuerineqassasoq, taamaalilluni toqoraavik 2008-mi ingerlaqqissinnaaniassat. Naalakkersuisut ilimagaat suliaq ataatsimiititaliami suliarineqassasoq, sapaatip akunnerani uani imaluunniit sapaatip akunnerani tullermi. Taassuma saniatigut Naalakkersuisut Narsami toqoraaviup ataavartumik aqqiivigineqarnissaanut AIS 2009-mut siunnersuummik saqqummiilersaarput.

Apeqqut 2

Naalakkersuisut ilisimavaat Neqi A/S-mik matusinissamik siorasaarineq KNI A/S-ip siulersuisuini oqaluuserineqarsimanersoq?

Qinnuteqaatip siulliup april 2008-meersup Aningaasaqarnermut Ataatsimiititaliamit itigartinneqamera allakkatigut 19. maj 2008-meersukut KNI A/S-ip siulersuisui Naalakkersuisut nalunaarfigaat. KNI A/S 12. juni 2008-mi Naalakkersuisunut akissuteqarpoq, tassanilu suliffeqarfiup nalunaarutigaa ukiunut sisamanut Namminersornerullutik Oqartussanut sullissinissaq pillugu isumaqatigiissusiornissaq taamaallaat KNI A/S-ip akuerisinnaagaa, toqoraavik matuneqassanngippat. KNI A/S-ip akissutaa ilisimatitsissutitut ilanngullugu nassiunneqarpoq.

01.28/2008-60
27. juni 2008
Postboks 269
3900 Nuuk
Oq/tel +299 34 50 00
Fax +299 32 47 04
apnp@gh.gl
www.nanoq.gl

Taassuma saniatigut Naalackersuisoqarfiup ukiakkut 2007-imi aammalu februarimi 2008-mi Neqi A/S aamma KNI A/S ataatsimeeqatigai, tassanilu Neqi A/S-ip inissisimanera eqqartorneqarpoq. Neqi pillugu apeqqut Nunalerineq pillugu Siunnersuisoqatigiinni aamma eqqartorneqarpoq. Aammattaaq nalunaarutigineqassaaq nunalerinermik nalilersuineq pillugu nalunaarusiami savaatillit toqoraaviullu imminnut pisariaqartinnerat allaaserineqarpoq. Nalunaarusiap taassuma assilineranera 14. maj 2008-mi isumasioqatigiinnermi agguanneqarpoq.

Apeqquut 3

Naalackersuisut KNI A/S-ip pisortaaneranut neriorsuutigisimanerpaat aningaasat 4,0 mio. kr.-t Aningaasanut Inatsimmi 2008-moortumi savaatilinnut ineriartortitsinissamut atorneqartussat Neqi A/S-mut nuunneqarsinnaanerat?

Aningaasaliinissamik KNI-p pisortaanut Naalackersuisut qaqugukkulluunniit neriorsuinikuunngillat ilimasaarisimanatilluunniit.

Apeqquut 4

KNI A/S aningaasaqarnermigut qanoq inissimava?

KNI-p aningaasatigut inissisimanera 2006-imi akileraarutit sioqqullugit -235 mio.kr.-nik angusaqarnerup kingorna pitsanngoriartorpoq. Suliffeqarfik 2007-imi akileraarutit sioqqullugit 44 mio.kr.-inik sinneqartooruteqarnikkut pitsaasumik angusaqarpoq. Annertunerusumik paasissutissiissutitut KNI A/S-ip 2007-imut ukiumoortumik nalunaarusiaa kikkunnilluunniit takuneqarsinnaasoq Naalackersuisut innersuussutigissavaat, taannalu Erhvervs- og Selskabsstyrelsimi imaluunniit KNI A/S-ip nittartagaani, www.kni.gl, takuneqarsinnaavoq.

Tunngavilersuutinni oqaatigaat inuussutissat akii qaffariarujussuartut. Tassunga atatillugu Naalackersuisut aperaatit inuussutissat akiisa qaffakkiartomeranni inissisimaneq pillugu KNI A/S-ip siulersuisuinut tusarniaasimanersut.

Inuussutissat akii qaffakkiartomeranni inissisimaneq pillugu Naalackersuisut KNI A/S toqqaannartumik tusarniaaviginngilaat, kisiannili nunatsinni nunarsuarmilu ineriartorneq malinnaavigalugu. Kalaallit Nunaat nuna mikisuararsuuvog nunarsuarmilu tuniniaavinni akit ineriartorerinut sunniisinnaanera annikilluni.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalackersuisoq